

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U  
TUZLI  
Broj: 32 0 St 436579 22 St  
Tuzla, 03.02.2025.godine

Općinski sud u Tuzli, sudija Antonela Đaković, u stečajnom postupku nad imovinom stečajnog dužnika „VILLANOVA“ d.o.o. za građevinarstvo, promet i usluge Živinice, ul. Sprečka bb, koji u svom sastavu ima podružnicu pod nazivom „VILLANOVA“ d.o.o. za građevinarstvo, promet i usluge Živinice, Poslovna jedinica Glinje, ul. Glinje bb, Ugljevik, dana 03.02.2025.godine donio je sljedeće:

## **R J E Š E N J E**

**ZAKLJUČUJE SE** stečajni postupak nad imovinom stečajnog dužnika „VILLANOVA“ d.o.o. za građevinarstvo, promet i usluge Živinice, ul. Sprečka bb, koji u svom sastavu ima podružnicu pod nazivom „VILLANOVA“ d.o.o. za građevinarstvo, promet i usluge Živinice, Poslovna jedinica Glinje, ul. Glinje bb, Ugljevik, a nakon okončanja završne diobe, MBS: 1-13118.

Rješenje o zaključenju stečajnog postupka objavljuje se na oglasnoj tabli suda, web stranici suda-elektronskoj tabli suda, "Službenim novinama FBiH", te dostavlja FIA-i.

Po pravosnažnosti rješenje će se dostaviti Općinskom sudu u Tuzli, odjeljenju registra, radi brisanja pravnog lica iz registra privrednih društava.

## **O b r a z l o ž e n j e**

Predlagatelj "VILLANOVA" d.o.o. Živinice, putem lica ovlaštenog za zastupanja Esmir Camović dana 23.11.2022.godine podnio prijedlog za otvaranje stečajnog postupka nad imovinom dužnika "VILLANOVA" d.o.o. Živinice iz razloga platežne nesposobnosti, jer društvo nije u mogućnosti izmiriti dospjele i potraživane obaveze plaćanja od oktobra 2022.godine.

Rješenjem suda, broj gornji, od 18.01.2023.godine pokrenut je prethodni postupak radi utvrđivanja uvjeta za otvaranje stečajnog postupka nad imovinom dužnika, obzirom da sud nije u mogućnosti da sam procijeni sve neophodne uslove koje Zakon predviđa za otvaranje stečajnog postupka.

Nakon provedenog prethodnog postupka i utvrđenih uslova za otvaranje stečajnog postupka, sud je dana 21.03.2023.godine donio rješenje o otvaranju stečajnog postupka, te za stečajnog upravnika imenovao Besima Hamidovića iz Zvornika.

U toku stečajnog postupka održano je ispitno ročište i izvještajno ročište i to dana 08.05.2023.godine na kojem se stečajni upravnik izjasnio o prijavljenim prijavama potraživanja stečajnih povjerilaca. Na ispitnom ročištu ukupno prijavljena potraživanja iznosila su 164.341,35 KM, ukupno priznata potraživanja su 164.341,35 KM, od čega je iznos od 43.608,63 KM priznat u viši isplatni red, a iznos od 120.732,72 KM priznat u opći isplatni red, dok osporenih potraživanja nije bilo. Razlučnih i izlučnih povjerilaca nije bilo.

Na izvještajnom ročištu održanom dana 08.05.2023.godine donesena je odluka da se odmah pristupi unovčavanu imovine stečajnog dužnika i to pokretne (prikolica za auto, traktor MESSEY FERGUS 20,mješalica za beton i plug reverzibilni TR 2+1) i nepokretne imovine upisane u Posjedovni list 937/3 k.o. Ugljevik, a sve po po procijenjenoj vrijednosti iste. U skladu sa odlukom Skupštine zakazana je prva prodaja pokretne i nepokretne imovine stečajnog dužnika dana 10.07.2023.godine, na kojoj je prodana imovina stečajnog dužnika najpovoljnijem ponuđaču Kašapor Izetu iz Tuzle za iznos od 55.520,00 KM.

Stečajni upravnik je dana 13.12.2024.godine podnio zahtjev za davanje saglasnosti stečajnog sudije na glavnu diobu kao i objavu zbira potraživanja i iznosa stečajne mase koji se uzima za glavnu diobu, ato je iznos od 43.608,63 KM, te je sud rješenjem, broj gornji, od 13.12.2024.godine, dao saglasnost za završnu diobu.

Na ročištu za završnu diobu i svim radnjama vezanim za provedbu završne diobe održanom dana 06.01.2025. godine Skupština povjerilaca jednoglasno je prihvatila prijedlog diobnog popisa i nije imala primjedbi niti prigovora na isti. Nakon unovčavanja imovine i prihvatanja diobenog popisa od strane Skupštine povjerilaca stečajni upravnik je u toku stečajnog postupka namirio povjerioce višeg isplatnog reda u cjelosti.

Stečajni upravnik je namirio povjerioce prema usvojenom diobnom popisu i izvršio diobu novčanih sredstava povjeriocima, a sve temeljem odredbe člana 188. Zakona o stečaju (Službene novine F BiH broj 53/21). Dokaze o namirenju povjerilaca višeg isplatnog reda u iznosima usvojenim na ročištu za završnu diobu stečajni upravnik je dostavio u spis suda dana 08.01.2025.godine. Nakon dostavljanja dokaza o provedenoj glavnoj diobi stečajni upravnik je predložio da se stečajni postupak zaključi na osnovu člana 190. Zakona o stečaju FBiH.

Odredbom člana 190. stav 1. Zakona o stečaju ("Službene novine FBiH", br.53/2021), propisano je da stečajni sudija nakon okončanja završne diobe donosi rješenje o zaključenju stečajnog postupka, čime su se ispunili uslovi za zaključenja stečajnog postupka kao u dispozitivu rješenja.

Na osnovu odredbe člana 190. stav 10. Zakona o stečaju rješenje o zaključenju stečajnog postupka objaviti na oglasnoj tabli suda, web stranici suda-elektronskoj tabli suda, "Službenim novinama FBiH", te dostaviti FIA-i.

**Stečajni sudija**

**Antonela Đaković**

**POUKA O PRAVNOM LIJEKU:** Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana po isteku pet (5) radnih dana od dana objave istog u "Službenim novinama FBiH".